



08 JUN, 2021

## 42 pasar segar terkawal FAMA catat nilai jualan RM18.9 Juta

Utusan Borneo Sabah, Malaysia

Page 1 of 2

## 42 pasar segar terkawal FAMA catat nilai jualan RM18.9 Juta

**PUTRAJAYA:** Sebanyak 42 Pasar Segar Terkawal (PST) seliaan Lembaga Pemasaran Pertanian Persekutuan (FAMA) yang beroperasi ketika pelaksanaan Perintah Kawalan Pergerakan (PKP) 3.0 merekodkan nilai jualan RM18.9 juta dalam tempoh 25 Mei hingga 4 Jun, kata Menteri Pertanian dan Industri Makanan Datuk Seri Dr Ronald Kiandee.

Beliau berkata 42 PST berkenaan memberi ruang kepada 348 petani dan 6,879 usahawan untuk memasarkan produk ketika pelaksanaan PKP, serta dalam masa yang sama memberi akses pilihan kepada pengguna untuk mendapatkan barang keperluan dengan penjimatan antara lima dan 20 peratus.

Ronald berkata setiap PST mempunyai lapan komoditi teras iaitu sayur, buah, ikan, ayam, daging, produk industri kecil dan sederhana (IKS), barang runcit dan penjualan makanan dibungkus.

Beliau berkata demikian dalam kenyataan bersempena tinjauan di dua lokasi PST iaitu MyFarm Outlet di Putrajaya dan Pusat Operasi FAMA di Dengkil bagi melihat sendiri kelangsungan rantai bekalan makanan melalui PST yang menawarkan barang keperluan terutama kepada penduduk



**TINJAUAN:** Ronald mengadakan lawatan di Pasar Segar Terkawal (PST) Dengkil, Sepang semalam. — Gambar Bernama

setempat ketika pelaksanaan sekitan pergerakan penuh fasa pertama yang bermula 1 Jun hingga 14 Jun ini.

Lawatan itu turut disertai Timbalan Menteri Pertanian dan Industri Makanan Datuk Seri Ahmad Hamzah, Ketua Setiausaha Kementerian Pertanian dan Industri Makanan (MAFI) Datuk Haslina Abdul Hamid dan Ketua Pengarah FAMA Datuk Zainal Abidin Yang Razalli.

“MAFI mengambil pelbagai pendekatan khususnya untuk memastikan kelancar-

an dan kelangsungan rantai bekalan makanan termasuk mengurus isu lambakan antaranya melalui pelaksanaan PST di lokasi terpilih yang beroperasi mengikut prosedur operasi standard (SOP) yang ditetapkan Majlis Keselamatan Negara,” kata Ronald.

Beliau berkata MAFI akan terus memastikan keadaan sentiasa terkawal dan bekalan makanan berada dalam keadaan yang mencukupi serta stabil kerana sektor pertanian dan industri makanan

diletakkan sebagai perkhidmatan perlu.

Ronald berkata sebanyak 76,869 surat kebenaran telah dikeluarkan MAFI untuk sektor pertanian tidak formal setakat semalam termasuk aktiviti rantaian pembekalan dan pemasaran berkaitan keperluan makanan kepada petani, pemerkak, nelayan, pengusaha kecil B40 serta pengusaha mikro asas tani.

Bagi sektor pertanian formal yang melibatkan syarikat pengilang, pengeluar produk atau industri makanan, pengusaha perlu mendapatkan kebenaran beroperasi melalui COVID-19 Intelligent Management System (CIMS 3.0) di bawah selian Kementerian Perdagangan Antarabangsa dan Industri (MITI), katanya.

Ronald berkata FAMA telah mewujudkan bilik gerakan yang beroperasi dari 8 pagi hingga 7 malam bagi memastikan kelancaran aktiviti pemasaran hasil pertanian semasa pelaksanaan sekitan penuh fasa pertama.

Bagi petani yang menghadapi masalah memasarkan hasil pertanian boleh melayari portal FAMA Feedback System di <http://ffs.fama.gov.my/aduan/> atau hubungi talian hotline FAMA di 019-7476754/013-3777100/010-7632684. — Bernama



08 JUN, 2021

## 42 pasar segar terkawal FAMA catat nilai jualan RM18.9 Juta

Utusan Borneo Sabah, Malaysia

Page 2 of 2

### SUMMARIES

PUTRAJAYA: Sebanyak 42 Pasar Segar Terkawal (PST) seliaan Lembaga Pemasaran Pertanian Persekutuan (FAMA) yang beroperasi ketika pelaksanaan Perintah Kawalan Pergerakan (PKP) 3.0 merekodkan nilai jualan RM18.9 juta dalam tempoh 25 Mei hingga 4 Jun, kata Menteri Pertanian dan Industri Makanan Datuk Seri Dr Ronald Kiandee.